




**TRANSITION
BETWEEN
ALEKKOR &
NAMDA**



Prokureurs  Notarisse  Aktebesorgers

APPIES & VENNOTE

ONS VERW: JDA/cm/

U VERW: MNR JOSHUA LOSPER & MEV ELANA HAYES

15 Oktober 2003

ALEXKORSTIGTING ONTWIKKELING

Per E-pos: stiging@kingsley.co.za

Geagte Mnr Losper & Mev Hayes

ALEXKORSTIGTING ONTWIKKELING / NAMDA

Ons verwys na die telefoniese gesprek tussen u Mnr Losper en skrywer op Dinsdag, 14 Oktober 2003 en hierby aan die volgende:

1. Konsep Trustakte vir NAMDA;
2. Voorgestelde wysigings te einde die Alexkorstiging te omskep in 'n Liefdadigheids instelling wat vrystelling van belasting geniet.

Ons vertrou u vind bogenoemde in orde en verneem graag of enige wysigings aangebring moet word.

Die uwe
APPIES & VENNOTE

Per
J D APPIES

Johann D. Appies BA LLB Reginald K. Smit BA LLB
Professionele Assistent P Van Der Merwe B.COM LLB

Kraaifontein
Agstelaan 254 7570
Postbus 16 Kraaifontein 7569
Tel : +27 (21) 987 3583 Faks : +27 (21) 988 9261
E-pos : johann@appies.law.za
Docex 2 Kraaifontein

Kandidaat Prokureur AR Julie BA LLB
In assosiasie met Van der Spuy & Vennote
ook te
Durbanweg 304, "The Bridge", Gebou Nr. 4, 2^{de} Vloer
Bellville
Laerburgstraat 18, Boland Bank Gebou
Kaapstad

NAMDA KONSEP TRUSTAKTE

MEMORANDUM VAN 'N OOREENKOMS MET BETREKKING TOT 'N SKENKING IN TRUST, GEMAAK EN AANGEGAAN DEUR EN TUSSEN

Joshua Losper

Identiteitsnommer:

(hierna die OPRIGTER genoem)

en

Identiteitsnommer:

Identiteitsnommer:

Identiteitsnommer:

Identiteitsnommer:

Identiteitsnommer:

Identiteitsnommer:

Identiteitsnommer:

Identiteitsnommer:

(hierna die TRUSTEES genoem)

AANGESIEN die Oprigter begerig is om 'n trust vir die doeleindes van en op die terme en onderhewig aan die voorwaardes in hierdie trustakte vervat, te stig;

EN AANGESIEN die trustees hulleself bereid verklaar het om as trustees op te tree en om die skenking te aanvaar en dit ten behoeve van die begunstigdes te hou en aan te wend, onderhewig aan die voorwaardes wat deur die Oprigter bepaal is en in die trustakte genotuleer word;

NOU DERHALWE GETUIG DIE AKTE DAT DIE OPRIGTER EN DIE TRUSTEES SOOS VOLG OOREENGEKOM HET:

1 WOORDOMSKRYWINGS

1.1 In hierdie trustakte, tensy dit uit die samehang anders blyk:

1.1.1 sluit woorde wat die enkelvoud aandui, ook die meervoud in en omgekeerd; woorde wat die manlike geslag aandui, ook die vroulike geslag in en omgekeerd;

1.1.2 sluit enige verwysing na persone ook regspersone en trusts in;

1.1.3 sluit 'n verwysing na maatskappye ook beslote korporasies en ander regspersone in en sluit 'n verwysing na aandele ook ledebelange in, indien van toepassing.

1.2 Die volgende uitdrukkings sal die volgende betekenis hê, naamlik:

BEGUNSTIGDES beteken:

- (i) Alexkor Ontwikkelingstigting, Nr. IT 3171/93, 'n Liefdadigheidstrust, 'n trust met as doelstelling die sosio-ekonomiese opheffing van minder bevoorregte persone in Namakwaland; en
- (ii) Namakwaland Diamantfonds Trust (NDFT) Nr. IT 1202/94 'n Liefdadigheidstrust met as doelstelling die opvoeding en sosio-ekonomiese opheffing van minder bevoorregte persone in Namakwaland veral inwoners van die Landelike Gebiede daarvan.

- (iii) Enige ander regspersoon of trust met as doelstelling die sosio-ekonomiese opheffing van minder bevooregte persone van alle gemeenskappe binne die grense van die Namakwa Distriksraad, wat as 'n liefdadigheidsorganisasie van 'n openbare aard ingevolge artikel 10(1)(f) van die Inkomstebelastingwet van belasting vrygestel is;

| | |
|--------------------------------|---|
| NAMAKWALAND | verwys na afdeling Namakwaland |
| BREËR NAMAKWA | verwys na die gebied binne die geografiese grense van die Namakwalandse Distrikstraat. |
| TRUSTAKTE | verwys na hierdie dokument in sy geheel; |
| NAMBID | |
| TRUSTEES | verwys na die ampsbekleers van die trustee-amp en sluit in die eerste Trustees en enige verdere of latere trustees van die trust van tyd tot tyd; |
| TRUSTEESKAP | verwys na die amp wat die trustees van die trust beklee; |
| TRUSTGOED en TRUSTFONDS | verwys na die bates van die trust wat in die trustees vestig of waarop hulle 'n vorderingsreg het, insluitende voorwaardelike regte, naamlik die aanvanklike skenking en enige toevoegings daartoe, ongeag die bron, waaruit sodanige toevoegings afkomstig is. |

2 SKEPPING EN NAAM VAN TRUST

By wyse van die hiernavermelde skenking aan die trustees ten behoeve van die begunstigdes word 'n trust hierkragtens geskep, welke trust bekend sal staan as die **NAMAQUALAND DEVELOPMENT AGENCY TRUST (NAMDA)**

3 SKENKING

Die oprigter skenk hiermee aan die trustees 'n bedrag van R100,00 (EENHONDERD RAND) welke skenking gemaak en deur die trustees

aanvaar word vir doeleindes van die trust en welke skenking die aanvanklike trustfonds van die trust sal verteenwoordig. Enige latere toevoegings tot die trustfonds, ongeag die bron waaruit sodanige toevoegings afkomstig mag wees, sal, as dit deur die trustees aanvaar word, deel van die trustfonds vorm en sal onderhewig aan die bepalings van die trustakte deur die trustees gehou en geadministreer word.

4 VESTIGING VAN REGTE OP TRUSTGOED

By die aanvaarding deur die trustees van hulle trusteeenskap hierkragtens, en van die voormelde skenking in trust, verwerf die trustees onmiddellik 'n vorderingsreg teenoor die skenker vir oorhandiging van die bedrag van die skenking, en is hulle geregtig en verplig om toe te sien dat die skenking aan hulle oorhandig word. Tydens die geldighedsduur van die trust is die trustees verplig om alle bates van die trust en alle titelaktes en dokumente met betrekking tot die trustfonds in besit te neem en in bewaring te hou.

5 DOELSTELLINGS

Die doelstellings van die trust is:

- 5.1 Die sosio-ekonomiese opheffing van die inwoners van Namakwaland en die breër Namakwa, die skepping van infrastruktuur en die bevordering van die ekonomie, toerisme en werkskepping tot voordeel van alle gemeenskappe in maar veral minder bevooregte persone in Namakwaland en die breër Namakwa, deur onder andere:
 - 5.1.1 alleen of in vennootskap met enige persoon besigheid - of boerdery aktiwiteite in alle vertakkings daarvan in Namakwaland en die breër Namakwa te bedryf en/of belange in entiteite (uitgesluit beslote korporasies) wat besigheids of boerdery aktiwiteite in Namakwaland en die breër Namakwa bedryf, te bekom;
 - 5.1.2 lenings te maak teen sodanige rentekoerse as wat die trustees van tyd tot tyd in hul uitsluitlike diskresie mag bepaal aan:
 - entrepreneurs, inrigtings en ondernemings wat in Namakwaland en die breër Namakwa besigheid bedryf of opereer;

- leerders en studente wat in Namakwaland en die breër Namakwa woonagtig is of van Namakwaland en die breër Namakwa afkomstig is; en

5.2 Surplus trustinkomste, in die uitsluitlike diskresie van die trustees en onderhewigaan die bepalings van hierdie trustakte, aan 'n begunstigde of begunstigde oor te dra ter skepping van infrastruktuur en die verbetering van die lewensgehalte van minderbevoorregte persone en gemeenskappe in Namakwaland en die breër Namakwa.

6 BEPALINGS MET BETREKKING TOT GETAL TRUSTEES, BEEINDIGING VAN AMP EN OPVOLGENDE TRUSTEES

6.1 Die eerste trustees van die trust is:

- Joshua Losper (Identiteitsnommer)
- (Identiteitsnommer)
- (Identiteitsnommer:)
- (Identiteitsnommer:)
- (Identiteitsnommer:.....)
- (Identiteitsnommer:.....)
- (Identiteitsnommer:.....)
- (Identiteitsnommer:.....)
- (Identiteitsnommer:.....)

6.2 Daar moet te alle tye minstens AGT (8) en hoogstens TWAALF (12) trustees in amp wees, met dien verstande dat in geval daar minder as AGT (8) trustees oorbly as gevolg van die bedanking of dood van 'n mede-trustee(s), die oorblywende trustee(s) gemagtig is om alle magte van trustees uit te oefen vir die administrasie van die trust tot tyd en wyl 'n verdere trustee(s) aangestel is. Solank daar minder as AGT (8) trustees in amp is, sal sodanige trustees, terwyl hulle alleen ageer, geen geldige besluit

kan neem rakende die verdeling van inkomste of kapitaal of wysiging van die trustakte nie.

- 6.3 Die samestelling van die raad van trustees is deurgans soos volg:
- 6.3.1 Die Alëxkorstigting sy regsopvolger of regsverkrygende sal 4 (vier trustees benoem)
- 6.3.2 Die NDFT sal een (1) trustee benoem.
- 6.3.3 NAMBID sal een (1) trustee benoem.
- 6.3.4 Die Namakwa Distrik Munisipaliteit sal twee (2) trustees benoem.
- 6.4 Die eerste trustees word aangestel vir 'n aanvanklike tydperk van drie jaar waarna een-derde jaarliks by wyse van alfabetiese orde uittree. Uittredende trustees sal herverkiesbaar wees. Rotasie vind op jaarvergaderings plaas.
- 6.5 Vakante poste wat tussentyds ontstaan word gevul deur die aanstelling van trustees deur oorblywende trustees maar altyd in ooreenstemming met die bepalings van 6.3.
- 6.6 'n Opvolgende trustee het, sodra hy sy benoeming as trustee skriftelik aanvaarhet, alle magte en is onderhewig aan alle pligte van 'n trustee van die trust, ewe asof hy een van die eerste trustees van die trust was.
- 6.7 'n Trustee hou op om as 'n trustee van die trust op te tree:
- 6.7.1 as hy as trustee bedank, wat hy geregtig is om te doen deur skriftelike kennisgewing aan sy mede-trustee(s) te dien effekte;
- 6.7.2 as hy as geestelik verstéurd gesertifiseer word;
- 6.7.3 as sy boedel gesekwestreer word, hetsy voorlopig of finaal, of as hy sy boedel ten behoeve van sy skuldeisers oorgee of as hy 'n kompromis met sy skuldeisers aangaan;
- 6.7.4 as hy ingevolge die bepalings van die Maatskappywet soos van tyd tot tyd in die Republiek van Suid-Afrika van krag, nie kwalifiseer om as 'n direkteur van 'n maatskappy diens te doen nie;

6.7.5 as hy deur 'n besluit van minstens twee- derdes van die trustees gevra word om te bedank;

6.7.6 as hy sonder 'n aanvaarbare verskoning drie agtereenvolgende trusteesvergaderings nie bywoon nie.

7 SEKERHEIDSTELLING DEUR TRUSTEES

'n Trustee wat as sodanig diens doen, hetsy 'n eerste trustee of 'n opvolgende trustee, word daarvan vrygestel om sekuriteit aan die Meester van die Hoërhof of aan enige ander persoon of instansie in terme van die Wet op die Beheer oor Trustgoed Nr 57 van 1988, of onder enige ander statutere bepaling, vir die behoorlike nakoming van sy pligte as trustee, te verskaf.

8 AFWESIGHEID VAN 'N TRUSTEE

'n Trustee wat tydelik afwesig is van die adres waarvandaan die trust sy besigheid doen, is nie geregtig om 'n mede-trustee te magtig om in sy plek op te tree nie.

9.1 Waar daar in die akte na die diskresie van trustees verwys word, beteken sodanige diskresie 'n uitsluitlike en absolute diskresie wat in die trustees vestig.

9.2 Besuite wat die trustees neem, geskied buiten in die geval waar besluiteingevoelge klousules 10.2.5, 18 of 19 geneem word, by wyse van 'n gewone meerderheidvanstemme. Die voorsitter beskik oor 'n beslissende stem.

9.3 Indien 'n meerderheidstem nie in verband met 'n saak verkry kan word nie, moet die aangeleentheid verwys word na 'n senior advokaat of 'n afgetrede Appelregter, op wie die trustees besluit het, en, by ontstentenis van eensgesindheid in die verband, na 'n senior advokaat wat aangewys sal word deur die voorsitter van die Balieraad binne die jurisdiksiegebied van die kantoor van die Meester van die Hooggeregshof waar hierdie trust geregistreer is. Die arbiter aan wie die dispuut voorgele word, bepaal self die prosedure wat gevolg sal word en sy beslissing is finaal en bindend op die trustees.

- 9.4 Stemming geskied deur die opsteek van hande tensy enige trustee voordat daar tot stemming oorgegaan word 'n stemming per stembrief vereis, onderhewig aan 9.2.

10 MAGTE VAN TRUSTEES

- 10.1 Die magte wat vir die trustees in hierdie trustdokument omskryf word, is magte waarmee die trustees ampshalwe beklee word ten einde hulle in staat te stel om met die trustfonds te handel ter bevordering van die trustdoelstellings soos uiteengesit in 7 en nie tot die persoonlike voordeel van die trustees nie. Die omvangrykheid van die magte wat in trustees setel, moet altyd so geïnterpreteer word dat die essensie van die trust, naamlik, die bevordering van die trustdoelstellings, nie leed aangedoen word nie.
- 10.2 Die trustees het te alle tye al sodanige magte as wat nodig is om met die trustgoed te handel as wat hulle, volgens hulle uitsluitlike diskresie nodig ag om die trustdoel ten beste te bereik. Sonder inperking van die algemene bevoegdhede van die trustees, is die trustees gemagtig om:
- 10.2.1 'n bankrekening en/of 'n bouverenigingrekening in die naam van die trust te open, tjeks daarop te trek en gelde daarop te deponeer, wissels en waarborge daarteen te laat uitreik en wissels ten gunste van die trust aan die bank waar die bankrekening geopen is, vir invordering te oorhandig.
- 10.2.2 goedere van enige aard, roerend en onroerend, liggaamlik of onliggaamlik, aandele, effekte, skuldbriewe en sekuriteite, te koop, te verkoop, te ruil en te huur, op sodanige voorwaardes as wat die trustees bepaal en om regte te sedgeer;
- 10.2.3 gelde wat deel van die trustgoed uitmaak, te belê;
- 10.2.4 in sodanige sekuriteite en op sodanige voorwaardes as wat die trustees bepaal;
- 10.2.4 bestaande beleggings of beleggings wat die trustees gemaak het, in daardie vorm te behou of hulle te wysig;
- 10.2.5 lenings, met of sonder rente, en op sodanige voorwaardes as wat die trustees bepaal, aan begunstigdes en ander persone of instansies van die

trustees se keuse, te maak, met of sonder sekuriteit. Met dien verstande dat 'n lening slegs aan 'n trustee gemaak mag word indien die toestaan van die lening goedgekeur is deur minstens driekwart van die trustees op 'n vergadering waarop alle trustees teenwoordig is en die trustee wat aansoek om 'n lening gedoen het, buite stemming bly.

- 10.2.6 lenings vir doeleindes van die trust aan te gaan, met of sonder rente en met of sonder sekuriteit, en op sodanige voorwaardes as waarop met die persoon of instansie wat die lening aan die trustees maak, ooreengekom word;
- 10.2.7 enige bate van die trust onder verband te bring, dit te verhipotekeer of 'n retensiereg daarop te gee;
- 10.2.8 enige vaste eiendom wat deel van die trustgoed vorm, te verkoop, te verhuur, te verbeter, te verander en te onderhou en desnoods vaste verbeterings te sloop en nuwe verbeterings op te rig;
- 10.2.9 huurgeld in te vorder en huurkontrakte te kanselleer en die nodige stappe te doen vir die uitsetting van 'n huurder uit 'n verhuurde eiendom en dorpstigting en deeltitelontwikkeling daarop te onderneem;
- 10.2.10 regsdinge in te stel of te verdedig;
- 10.1.11 vergaderings van skuldeisers van 'n privaat individu, regspersoon of liggaam wat 'n skuldenaar van die trust is, by te woon, ongeag of die vergadering met insolvensie, likwidasie of geregtelike bestuur verband hou; te stem oor enige saak wat aan die vergadering voorgele word, en, in die algemeen alle regte wat aan 'n skuldeiser in soortgelyke omstandighede toekom, uit te oefen;
- 10.2.12 die nakoming van die verpligtinge van enige persoon of regspersoon, teen vergoeding of gratis, te waarborg as borg en medehoofskuldenaar, en, as kollaterale sekuriteit vir die doel, 'n bate van die trust as sekuriteit te verbind, mits sodanige borgstelling tot voordeel van die trust en die begunstigdes is;
- 10.2.13 kwitansies, ontheffings of vrywarings te gee ten aansien van enige bedrag geld of vordering wat ontvang is of waaraan voldoen is;

- 10.2.14 van die dienste van professionele adviseurs en van ambagsmanne vir die sake van die trust gebruik te maak en vir sodanige dienste uit die trustfonds te betaal;
- 10.2.15 enige koste in verband met die administrasie van die trust, uit die trustfonds te betaal;
- 10.2.16 skenkings of erflatings ten behoeve van die trust van enigiemand te aahvaar, onderhewig aan die bepalings en voorwaardes van hierdie trustakte, en, onderhewig aan die bepalings en voorwaardes waarmee sodanige verdere skenking en/of erflating gepaard mag gaan;
- 10.2.17 boerdery en enige besigheid in naam van die trust, hetsy vir wins of andersins, alleen of in vennootskap of assosiasie, te bedryf;
- 10.2.18 maatskappye of ander regspersone wat die reg toelaat in enige deel van die wereld op te rig met sodanige doelstellings as wat die trusteees mag bepaal, die stemreg verbonde aan aandele of belange wat in die trusteees vestig, uit te oefen, en in die algemeen alles met betrekking tot so 'n maatskappy of ander regspersoon te doen wat 'n aandeelhouer of belanghebbende ingevoige die statutere bepalings wat op maatskappye of sodanige ander regspersone van toepassing is, mag doen;
- 10.2.19 in geval van 'n maatskappy of effektrust waarvan die statute die oordrag van aandele in naam van die trusteees verbied, die aandele in hulle persoonlike name te hou as genomineerdes van en ten behoeve van die trust;
- 10.2.20 by ontvangs deur die trust van 'n likwidasiedividend, te bepaal of dit deel van die inkomste of kapitaal van die trust sal vorm;
- 10.2.21 kontrakte met hulleself in hulle persoonlike hoedanighede, gesamentlik of afsonderlik, te sluit, mits die trusteees deurgaans vooraf hulle persoonlike belange in sodanige kontrakte openbaar maak en mits sodanige handeling nie tot nadeel van die trust is nie;
- 10.2.22 by die uitoefening van enige van die voormelde magte alle dokumente te teken en alle stappe te doen wat nodig mag wees om betekenisvol aan 'n besondere mag uitvoering te gee;

- 10.2.23 tussentydse uitkerings van trustgoed aan begunstigdes van die trust, op sodanige wyse en tydstip en in sodanige vorm as wat die trusteees mag goeddink, te maak;
- 10.2.24 in die algemeen die magte en bevoegdhede van 'n maatskappy-direksie uit te oefen en, veral, om mutatis mutandis die bevoegdhede in Bylae 2 tot die Maatskappywet Nr 61 van 1973 aan 'n maatskappy verleen, uit te oefen;
- 10.2.25 op naam van die trust lidmaatskap en enige kredietfasiliteite by enige landbou- en of ander kooperatiewe maatskappy of vereniging, of enige ander vereniging, te verkry en te benut en om vir die doel die trustgoed of enige gedeelte daarvan by wyse van pand, hipoteek of verband as sekuriteit te verbind.

11 LANDBANKVERBANDE

Trustees het die reg om by die Land- en Landboubank van Suid-Afrika (hierna genoem die Landbank) aansoek te doen vir 'n lening of lenings teen sekuriteit van die trustgoed, roerende sowel as onroerende eiendom, en op voorwaardes soos deur die Landbank bepaal en wat deur die trusteees skriftelik aanvaar word.

12 AANWENDING VAN INKOMSTE EN KAPITAAL.

- Die trust is 'n diskresionere trust wat die aanwending, toekenning en verdeling van trustinkomste en trustkapitaal betref en die trusteees is geregtig om:
- 12.1 in hul absolute diskresie aan enige begunstigde of begunstigdes sodanige tussentydse uitkerings van trustkapitaal of bates te maak as wat die trusteees redelik en wenslik mag ag;
- 12.2 inkomste volgens hulle absolute diskresie aan enige begunstigde toe te ken of van horn te weerhou sender om die beginsels van gelyke behandeling van begunstigdes toe te pas;
- 12.3 alle koste wat die trusteees in verband met die administrasie van die trust aangegaan het, te betaal;
- 12.4 uit die trustgoed terugbetalings aan hulleself maak ten opsigte van uitgawes wat hulle persoonlik mag aangegaan het in die uitvoering van hulle pligte as trusteees;

- 12.5 inkomstebelasting te betaal;
- 12.6 inkomste in die trust op hoop ten einde die trustgoed aan te vul.
- 12.7 andersins die trustgoed slegs aan te wend om die doelstellings van die trust soos vervat in klousule 5.1 te bereik.

13 **PLIGTE VAN TRUSTEES**

Afgesien van die gemeenregtelike pligte wat aan die amp van 'n trustee kleef, is trusteees onderhewig aan al die pligte van 'n trustee soos in die Wet op die Behêre oor Trustgoed Nr 57 van 1988 uiteengesit, naamlik om:

- 13.1 die oorspronklike trustakte of 'n notarieel gesertifiseerde afskrif daarvan by die Meester van die Hoerhof in te dien;
- 13.2 slegs as trustee op te tree na ontvangs van die nodige magtigingsbrief van die Meester van die Hoerhof;
- 13.3 onmiddellik 'n trustrekening by 'n bank of bouvereniging op naam van die trust te open en alle gelde wat die trust verkry in sodanige rekening te stort;
- 13.4 alle bates van die trust en alle titelaktes en dokumente met betrekking tot die trust in besit te neem en in bewaring te hou;
- 13.5 behoortlik boek te hou of te laat hou van die sake van die trust;
- 13.6 alle trustgoed deurlopend afsonderlik te hou of te registreer sodat dit altyd as trustgoed geïdentifiseer kan word;
- 13.7 nie oor enige bates van die trust vir hulle eie voordeel of vir die voordeel van hulle boedels te beskik nie en om deurlopend met sorgsaamheid en ywer op te tree soos wat redelikerwys van iemand wat die sake van 'n ander hanteer, verwag kan word.

14 **PROFESSIONELE DIENSTE**

- 14.1 Die trustee is verplig om behoorlik boek te hou van die sake van die trust, welke boeke jaarliks tot en met die einde van die finansiële jaar van die trust, in die diskresie van die trustee geoudit mag word en daar moet finansiële state opgestel word. Lede van die Namakwalandse en breër Namakwa gemeenskap is op aanvraag geregtig op 'n afskrif van die jaarlikse finansiële state van die trust.
- 14.2 Die trustee is geregtig om van die dienste van professionele persone gebruik te maak insoverre sodanige dienste noodsaaklik of wenslik geag word vir doeleindes van die trust.

15 PERSOONLIKE AANSPREEKLIKHEID VAN TRUSTEES

'n Trustee is slegs persoonlik aanspreeklik vir verliese wat die trust ly as sodanige verliese die gevolg is van die trustee se versuim om met die sorgsaamheid, ywer en kundigheid op te tree wat van iemand verwag kan word wat die sake van 'n ander hanteer. 'n Trustee is nie aanspreeklik vir die troubreuk van 'n mede-trustee nie tensy daar samespanning tussen die trustee was.

16 VERGOEDING AAN TRUSTEES

- 16.1 Die trustee is geregtig op vergoeding vir hulle dienste volgens 'n tarief wat hulle billik ag mits sodanige vergoeding nie die neergelegde tariewe van professionele trustee vir soortgelyke dienste oorskry nie.
- 16.2 'n Trustee wat 'n prokureur, rekenmeester of ander professionele persoon is, is geregtig op sodanige vergoeding vir professionele dienste gelewer ewe asof hy nie 'n trustee van die trust is nie.

17 VERGADERINGS VAN TRUSTEES EN BESLUITE

- 17.1 Die trustee moet van tyd tot tyd vergader om die sake van die trust te bespreek en besluit daaroor te neem. In die verband geld die volgende reëlings:
- (a) Buiten in die geval waar besluite ingevolge klousules 10.2.5, 18 en 19 geneem word, vorm minstens die helfte van die trustee 'n kworum op alle vergaderings waarvan minstens 14 dae kennis gegee moet word.

- (b) Op die eerste vergadering van trustees kies hulle uit eie geledere 'n voorsitter, welke voorsitter vir sodanige tydperk as wat die trustees bepaal, in die hoedanigheid sal optree.
- (c) Minstens een-derde van die trustees het die reg om 'n vergadering van trustees byeen te roep.
- (d) Beleidsrigtings en prosedures wat op vergaderings gevolg moet word, word deur die trustees self bepaal.
- (e) Die besluite wat op vergaderings geneem word, moet behoorlik genotuleer word en oor die algemeen moet dieselfde prosedure gevolg word soos in Artikel 204 van die Maatskappywet Nr 61 van 1973, of latere wysigings daarvan, voorgeskryf.

17.2 'n Besluit wat op skrif gestel en deur al die trustees onderteken is, het dieselfde regs krag as 'n besluit wat op 'n vergadering van trustees geneem is.

17.3 Die trustees is verplig om minstens vier keer per jaar 'n vergadering te hou. Een maal per jaar moet vergader word om 'n besluit te neem oor die aanwending en/of toekenning van inkomste wat oor die voorafgaande jaar verdien is. Sodanige vergadering moet so spoedig doenlik na die einde van die trust se boekjaar gehou word en die besluite in verband met die verdeling of toekenning van inkomste, is terugwerkend effektief tot die laaste dag van die boekjaar.

17.4 Die trustees kan minstens twee trustees magtig om alle dokumente vir amptelike doeleindes wat vir die administrasie van die trust en ter uitvoering van enige transaksie wat met die trust se sake verband hou, nodig is, namens die trustees te teken en enige besluit wat deur 'n trustee gesertifiseer is as 'n ware uittreksel uit die notule van 'n besondere besluit van al die trustees, het in alle opsigte die regs krag as 'n besluit wat deur al die trustees geteken is.

18 WYSIGING VAN TRUSTAKTE

Die trustdokument kan deur 'n besluit van driekwart van die trustees, op 'n vergadering waarop alle trustees teenwoordig moet wees, gewysig word.

19 **BEËINDIGING VAN TRUST EN VERDELING VAN TRUSTGOED**

Hierdie trust sal onbepaald voortduur en kan slegs beëindig word deur 'n driekwart meerderheidsbesluit van die trustees op 'n vergadering waarop alle trustees teenwoordig moet wees. By ontbinding van die trust sal die bates van die trust oorgedra word aan sodanige persoon of persone as wat die trustees op die vergadering waarop die besluit tot ontbinding van die trust geneem word by wyse van 'n driekwart meerderheidsbesluit sal bepaal.

ALDUS GEDOEN EN GETEKEN te _____ in die teenwoordigheid
van die attesterende getuies op hierdie __ dag van _____ 20__.

AS GETUIES

1. _____ (OPRIGTER)
2. _____

ALDUS GEDOEN EN GETEKEN te _____ in die teenwoordigheid
van die attesterende getuies op hierdie __ dag van _____ 20__.

AS GETUIES

1. _____ (TRUSTEE)
2. _____

ALDUS GEDOEN EN GETEKEN te _____ in die teenwoordigheid
van die attesterende getuies op hierdie __ dag van _____ 20__.

AS GETUIES

- 1. _____ (TRUSTEE)
- 2. _____

ALDUS GEDOEN EN GETEKEN te _____ in die teenwoordigheid van die attesterende getuies op hierdie ___ dag van _____ 20__.

AS GETUIES

- 1. _____ (TRUSTEE)
- 2. _____

ALDUS GEDOEN EN GETEKEN te _____ in die teenwoordigheid van die attesterende getuies op hierdie ___ dag van _____ 20__.

AS GETUIES

- 1. _____ (TRUSTEE)
- 2. _____

ALDUS GEDOEN EN GETEKEN te _____ in die teenwoordigheid van die attesterende getuies op hierdie ___ dag van _____ 20__.

AS GETUIES

- 1. _____ (TRUSTEE)
- 2. _____

ALDUS GEDOEN EN GETEKEN te _____ in die teenwoordigheid van
die attesterende getuies op hierdie ___ dag van _____ 20__.

AS GETUIES

- 1. _____ (TRUSTEE)
- 2. _____

ALDUS GEDOEN EN GETEKEN te _____ in die teenwoordigheid van
die attesterende getuies op hierdie ___ dag van _____ 20__.

AS GETUIES

- 1. _____ (TRUSTEE)
- 2. _____

ALDUS GEDOEN EN GETEKEN te _____ in die teenwoordigheid van
die attesterende getuies op hierdie ___ dag van _____ 20__.

AS GETUIES

- 1. _____ (TRUSTEE)
- 2. _____

ALDUS GEDOEN EN GETEKEN te _____ in die teenwoordigheid van
die attesterende getuies op hierdie ___ dag van _____ 20__.

AS GETUIES

- 1. _____ (TRUSTEE)

2



WYSIGENDE AKTE VAN ALEXKOR ONTWIKKELINGSTIGTING

(Trust Nr. 3171/93)

1 PARTYE

Die partye tot hierdie akte is:

1.1 **Alexkor Beperk**, Registrasienommer: 9206368/06. Hierin verteenwoordig deur die Voorsitter van die Raad van Direkteure, behoorlik daartoe gemagtig

en

Die volgende persone, almal in hul hoedanigheid as trustees van Alexkor Ontwikkelingsstigting :

1.2 **JJ Cardinal**

1.3 **Me. L E Cloete**

1.4 **RD Cloete**

1.5 **Me. R Joseph**

1.6 **JC Losper**

1.7 **G Maarman**

1.8 **E Ntlai**

1.9 **M Tsele**

1.10 **Me. B Vries**

2 NOTULERING

- 2.1 Op 25 November 1993 en te Springbok is die trustakte van Alexkor Ontwikkelingstigting onderteken waardeur die trust tot stand gekom het. Die trustakte is by die Meester van die Hoërhof, Pretoria geregistreer onder trustnommer 3171/93.
- 2.2 Die partye is begerig om die trustakte van Alexkor Ontwikkelingstigting te wysig en kom ooreen dat die trustakte gewysig word soos hieronder uiteengesit.

3 WYSIGINGS

Die trustakte van Alexkor Ontwikkelingstigting word hiermee soos volg gewysig:

- 3.1 Klousule 9.2 word gewysig om soos volg te lees:

"Onderhewig aan die bepalings van klousule 9.3 het die trustees te alle tye al sodanige magte as wat nodig is om met -die trustgoed te handel as wat hulle, volgens hulle uitsluitlike diskresie nodig ag om die trustfondse ten beste voordeel van die begunstigdes te beheer en te bestuur. Die hoofdoel van die trustees in die beheer en bestuur van die trustbates sal wees om daardeur die sosio-ekonomiese opheffing van minder bevoorregte persone van alle gemeenskappe in Namakwaland, insluitend Alexkor se werknemers en hul afhanklikes, te onderneem welke opheffing sover prakties moontlik deur die skepping van infrastruktuur, die verskaffing van hulp ter verligting van enige vorm van nood, hulploosheid of behoefte wat deur minderbevoorregte persone ondervind word en werksverskaffing aan die tersaaklike gemeenskappe moet geskied. Sonder inperking van hierdie breë bevoegdhede van die trustees, is hulle gemagtig om:"

- 3.2 Klousule 9.2.3 word gewysig om soos volg te lees:

"gelde wat deel van die trustgoed uitmaak, te belê by 'n geregistreerde finansiële instelling, soos omskryf in artikel 1 van die Wet op Finansiële Instellings (Belegging van Fondse) 1984 en in effekte wat op 'n gelisensieerde

effektebeurs soos omskryf in artikel 1 van die Wet op Beheer van Effektebeurse, 1985 genoteer is op sodanige voorwaardes as wat die trustees bepaal;"

- 3.3 Klousule 9.2.6 word in sy geheel geskrap.
- 3.4 Klousule 9.2.10 word gewysig deur skrapping van die frase "insluitende belasting as belasting gehef sou word".
- 3.5 Klousule 9.2.12 word in geheel geskrap.
- 3.6 'n Nuwe klousule 9.3, wat soos volg lees word ingevoeg.

"9.3 Nieteenstaande enige bepaling tot die teendeel in hierdie trustakte, sal die trustees by uitvoering van hul magte altyd onderhewig wees aan die volgende bepalings:

9.3.1 Die trustees mag trustbates en trustinkomste slegs ter bevordering van die trust se doelstellings, soos vervat in klousule 9.2 en ter betaling van administratiewe kostes en uitgawes aangegaan ooreenkomstig die uitvoering van die trustdoelstellings, aanwend. Met dien verstande dat niks wat hierin bepaal is, die betaling ter goeder trou belet van:

- redelike vergoeding aan enige diensnemer, trustee of verteenwoordiger van die trust vir dienste werklik aan die trust gelewer; en

- die terugbetaling aan enige persoon van enige uitgawes deur hom aangegaan namens die trust of in die uitvoering van sy pligte vir die trust.

9.3.2 Die aktiwiteite van die trust is beperk tot die Republiek van Suid-Afrika, met dien verstande dat hierdie beperking nie geïnterpreteer word as 'n verbod op die werwing of aanvaarding van skenkings van enige skenker buite die Republiek van Suid-Afrika nie.

9.3.3 Die trustees mag nie lenings aan besighede

of entrepreneurs maak nie en mag geen besigheid wat nie direk verband hou met die trustdoelstellings nie, bedryf nie. Laasgenoemde verbod sluit onder andere in gewone handelsaktiwiteite, spekulatiewe transaksies asook die aankoop van eiendom met die bedoeling om huurinkomste daaruit te verkry."

3.7 Klousule 17 word gewysig om soos volg te lees:

"Die trustees verbind hulle hiermee om toe te sien dat 25% (vyf-en-twintig persent) van die jaarlikse bydraes deur ALEXKOR in 'n reserwefonds gestort word waarvan die opbrengste aangewend moet word om die doelstellings van die Stigting te verwesenlik. Die beleggings van die reserwefonds sal beperk wees tot prima beleggingsinstrumente om beleggingsrisiko's te vermy."

3.8 Klousule 18 word gewysig deur die volgende sin aan die einde daarvan by te voeg:

"Enige wysiging aan die trustakte moet aan die Kommissaris: Suid-Afrikaanse Inkomstediens voorgelê word."

3.9 Klousule 19 word gewysig om soos volg te lees:

"Hierdie trust sal onbepaald voortduur en kan slegs beëindig word deur 'n driekwart meerderheidsbesluit van die trustees in welke geval die oorblywende bates van die trust oorgedra sal word aan 'n liefdadigheidsinrigting of liefdadigheidsinrigtings, binne die Republiek van Suid-Afrika, wat ingevolge artikel 10(1)(f) van die Inkomstebelastingwet, No.58 van 1962, van belasting vrygestel is en wat by wyse van meerderheidsbesluit deur die trustees aangewys is. By beëindiging van hierdie trust sal die verpligtinge van ALEXKOR soos omskryf in Klousule 16 in sy geheel verval en nie oordraagbaar wees aan enige ander trust of instansie nie."

ALDUS GEDOEN EN GETEKEN TE _____ op hierdie ____ dag
van _____ 2003

AS GETUIES:

1. _____

2. _____

VIR ALEKKOR BEPERK

ALDUS GEDOEN EN GETEKEN TE _____ op hierdie ____ dag
van _____ 2003

AS GETUIES:

1. _____

2. _____

TRUSTEE

ALDUS GEDOEN EN GETEKEN TE _____ op hierdie ____ dag
van _____ 2003

AS GETUIES:

1. _____

2. _____

TRUSTEE

ALDUS GEDOEN EN GETEKEN TE _____ op hierdie ____ dag
van _____ 2003

AS GETUIES:

1. _____

2. _____

TRUSTEE

ALDUS GEDOEN EN GETEKEN TE _____ op hierdie ____ dag
van _____ 2003

AS GETUIES:

1. _____

2. _____

TRUSTEE

ALDUS GEDOEN EN GETEKEN TE _____ op hierdie ____ dag
van _____ 2003

AS GETUIES:

1. _____

2. _____

TRUSTEE

ALDUS GEDOEN EN GETEKEN TE _____ op hierdie ____ dag
van _____ 2003

AS GETUIES:

1. _____

2. _____

TRUSTEE

ALDUS GEDOEN EN GETEKEN TE _____ op hierdie ____ dag
van _____ 2003

AS GETUIES:

1. _____

2. _____

TRUSTEE

ALDUS GEDOEN EN GETEKEN TE _____ op hierdie ____ dag
van _____ 2003

AS GETUIES:

1. _____

2. _____

TRUSTEE

ALDUS GEDOEN EN GETEKEN TE _____ op hierdie ____ dag
van _____ 2003

AS GETUIES:

1. _____

2. _____

TRUSTEE